



文山集自序

余自吳門被命入衛守獨松關迺王正二日除
浙西大制撫領神臯余辭尹引帳兵二千人詣
行在日夕贊陳樞使宜中謀遷三宮分二王于
閩廣元夕後余所部兵皆聚于富陽朝廷擬除
余江東西廣東西制置大使兼廣東經略知廣
州湖南策應大使未及出命陳樞使已去國十
九日大皇除余右丞相兼樞密使都督諸路軍
馬時北兵駐高亭山距脩門三十里是日虜帥

卽引董叅政以兵屯樵木教場城中兵將官紛
紛自往納降余欲召富陽兵入城已不及事三
宮九廟百萬生靈立有魚肉之憂會使轍交馳
北納當國相見諸執政侍從聚于吳左丞相府
不知計所從出交贊余一行國事至此余不得
愛身且意北尚可以口舌動也二十日至高亭
山詰虜帥前後失信虜帥辭屈且謂決不動三
宮九廟決不擾京城百姓留余營中旣而呂師
孟來余數罵其叔姪愈不放還賈餘慶者逢迎

賣國乘風旨使代余位于是北兵入城講行無
虛日北知賣國非余所容也相戒勿令文丞相
知未幾賈餘慶吳堅謝堂家鉉翁劉岳皆以府
第爲祈請使詣北方蓋空我朝廷北將甘心焉
二月八日諸使登舟忽北虜遣館伴逼余同往
余被逼脇欲卽引決又念未死以前無非報國
之日姑隱忍就船方在京時富陽兵已退趨婺
處等州余俟間還軍若不自脫至是欲從道途
謀遁亦不可得至京口留旬日始得鹽商小舟

于二月晦夜走真州朔日守苗再成相見論時事慷慨流涕余致書兩淮間合兵興復苗贊之甚力初三日早制司人來迺出文書謂丞相爲賺城欲不利于我苗不以爲然送余出門勸奔淮西余謂此北反間也否則託辭以逐客也李公仁人使見余必感動遂之維揚苗遣五十兵四騎從行夜抵西門欲待旦求見呵衛嚴密鼓角悲慘杜架閣謂李公必不可見徒爲矢石所陷不如渡海歸從王室余然之自是日夜奔南

出入北衝犯萬萬死道途苦難不可勝述嗚呼余之得至淮也使余與兩淮合北虜懸軍深入犯兵家大忌可以計擒江南一舉而遂定也天時不齊人事好乖一夫頓困不足道而國事不競哀哉余至逋間二王建元帥府于永嘉陳樞使與張少保世傑方以李郭之事爲已任狼狽憔悴之餘喜不自制跋涉鯨波將躡屩以從意者天之所以窮餓困乏而拂亂之者其將有所俟乎德祐二年閏月日廬陵文天祥自序

出指南錄

天淵自心
天淵自心
天淵自心

石倉十二代詩選

宋詩卷之九十

文山集

宋吉水文天祥著
明後學曹學佺閱

公棗送符中齋未滿

秋氣晚正烈客衣早知寒把衣不能別更盡此
日歡出門一萬里風沙浩漫漫豈無兒女情為
君思汎瀾百年有時盡千載無餘歡明明君臣
義公獨為其難寧受百折苦願持一寸丹會須
撫卷人孤燈起長歎

其二

神龍蕩失水馴擾終未得威鳳雖在藪肯顧雞
鷺食所以古之人受變心不易毫鼎已遷周西
山竟肌瘠豫子身自漆萇弘血成碧何嘗怨廢
典而或二心跡堅白不在緇羔裘良自惜此義
公素明俗見或未識

其三

嗟予抱區區疇昔同里閈過從三十年知心不
知面零落忽重逢家亡市朝變惛惛路海餘踣

躡南冠殿劇談泥塗際握手鞍馬倦依依斯文
意苦恨十年晚曾仲偶不逢隨世本非願靈胥
目未抉端欲請所見及茲萬里別一夕腸百轉
予生諒須臾孤感橫九縣庶幾太尉事萬一中
丞傳

題宣州疊嶂樓

初日照高樓輕煙在疎樹峨峨遠岫出泯泯清
江去簷隙委殘籬屋隅連宿莽蒼蔚互低昂熹
微分散聚城郭諒非昔山川儼如故童髻已零

落姝顏慰遲暮沈沈澹忘歸欲歸重回顧

東方有一士

萬金結遊俠千金買歌舞丹青映第宅從者塞
衢路身為他人役名聲落塵土他人一何傷富
貴還自苦東方有一士敗垣半風雨不識絲與
竹飛雀滿庭戶晨餐或不飽夜夢無驚寤此事
古來多難與俗人語

送劉其發入蜀

秋風淒已寒蜀道阻且長虎狼伏原野欲濟川

無梁客從何處來云我之西方蕭蕭驪驢鳴熠
熠湛盧光昔時榮華地今為爭戰場將軍揚天
戈壯士發戎行江南有羈鳥悠悠懷故鄉駕言
與子遊雲天何茫茫

祭魚臺

晨炊祭魚臺碎雨飛擊面團團四野周冥冥萬
象變疑是江南山煙霧昏不見豈知此中原今
古經百戰英雄化為土飛霧灑郊甸天寒日欲
短遊子淚如霰

蘇州

中原似滄海萬頃與雲連
大明朝東出皎月正
在天遠樹亂如點桑麻鬱蒼煙
一雁入高空千
鴉落平田我行天地中
如蟻磨上旋雨痕留故
衣霜氣襲重瓊健馬嘶北風
潛魚樂深淵噫哉
南方人回首空自憐

蘇州

吹面北風來拂髮
堅冰至軒冕委道途
衣繡易
瓊毳百年雜醜好
始酌四方志
浩歌激浮雲
亭

亭復攬轡義馭幾曾停
誰當掃幽翳

贈許柏溪惟一

長風吹飛藿清蜩吟
野草流光速
代謝興懷令人老
遊子中夜起悠悠
酣且歌明月委清照
江湖秋涉多豈無臨緇魚亦
郎郎酒懷古招王
孫登高重回首

題周山甫錦繡段

客從西北來遺我錦繡段
上有雙鳳凰文彩何
燦燦置之篋笥中
歲月亦已晏天孫顧七襄雷

歷代詩選 宋文宗 四
電下河漢鳳凰忽飛去遽然失把玩貧家機杼
寒秋蟲助余歎

題高君寶紺泉

淳淳巖下泓澄碧落梧影寒瑤披清焱殘月照
灑灑俯淵測浮雲流日蕩苕穎向來滄浪歌孺
子不可詞載霑衣上塵懷古意深永招招素心
人相期發深省

山中感興

載酒之東郊東郊草新綠一雨生江波洲渚失

其足青春豈不惜行樂非所欲采芝復采芝終
朝不盈掬大風從何來竒響振空谷我馬何玄
黃息我西山麓

其二

山中有流水霜降石自出驟雨東南來消長不
終日故人書問至爲言北風急山深人不知塞
馬誰得失挑燈看古史感淚縱橫發幸生聖明
時漁樵以自適

其三

歷代詩選

宋文宗 卷九十一

五

有

歷代詩選 卷九十一 五
桃花何夭夭楊柳何依依去年白鳥集今年黃
鵠飛昔爲江上潮今爲山中雲江上潮有聲山
中雲無情一年足自念况復百年長但存松柏
心天地真茫茫

贈蜀醫鍾正甫有感

炎皇覽衆草異種多西州爲君望岷峨使我雙
淚流向來秦越人朝洛夕邯鄲子持鵲經來自
西亦徂南江南有羈羽豈不懷故營何當同皇
風六氣和且平

正氣歌

余囚北庭坐一土室室廣八尺深可四
尋單扉低小白間短窄汗下而幽暗當
此夏日諸氣萃然雨潦四集浮動床几
時則爲水氣塗泥半朝蒸漚歷瀾時則
爲土氣乍晴暴熱風道四塞時則爲日
氣簷陰薪爨助長炎虐時則爲火氣倉
腐寄頓陳陳逼人時則爲米氣駢肩雜
逦腥臊汗垢時則爲人氣或圍溷浮屍

或腐鼠雜出時則爲穢氣疊是數氣當
者鮮不爲厲而余以孱弱俯仰其間于
茲二年矣是殆有養致然然爾亦安知
所養何哉孟子曰我善養吾浩然之氣
彼氣有七吾氣有一以一敵七吾何患
焉况浩然者乃天地之正氣也作正氣

歌一首

天地有正氣雜然賦流形下則爲河嶽上則爲
日星于人口浩然沛乎塞蒼冥皇路當清夷含

和吐明庭時窮節乃見一一垂丹青在齊太史
簡在晉董狐筆在秦張良椎在漢蘇武節爲嚴
將軍頭爲嵇侍中血爲張睢陽髯爲顏常山舌
或爲遼東帽清操厲冰雪或爲出師表鬼神泣
壯烈或爲渡江楫慷慨吞胡羯或爲擊賊笏逆
豎頭破裂是氣所磅礴凜烈萬古存當其貫日
月死生安足論地維賴以立天柱賴以尊三綱
寔係命道義爲之根嗟余遘陽九隸也寔不力
楚囚纓其冠傳車送窮北鼎鑊甘如飴求之不

歷代詩選 卷之九 七
可得陰房閭鬼火春院闕天黑牛驥同一皁雞
棲鳳皇食一朝濛霧露分作溝中瘠如此再寒
暑百沴自辟易嗟哉沮洳場爲我安樂國豈有
他繆巧陰陽不能賊顧此耿耿存仰視浮雲白
悠悠我心悲蒼天曷有極哲人日已遠典刑在
夙昔風簷展書讀古道照顏色

余自高亭山爲北所留深悔一出之誤聞
故人劉小村陳蒲塘引兵而南流涕不
自堪

只把初心看休將近事論誓爲天出力疑有鬼
迷魂明月夜推枕春風晝閉門故人萬山外俯
仰向誰言

余以議論太烈北愈疑憚不得歸闕將校
官屬日有叛去世道可歎

悠悠天地濶世事與誰論清夜爲揮涕白雲空
斷魂死生蘇子節貴賤翟公門前輩如瓶戒無
言勝有言

天台杜澣字貴卿號梅壑糾合四千人欲

天救王室當國者不知省正月十三日見
余于西湖上余嘉其有志頗獎異之十
九日客贊余使北梅壑斷斷不可客逐
之去余果為北所留後二十日驅余北
行諸客皆散梅壑憐余孤苦慨然相從
天下義士也朝旨特改宣教郎除禮兵

架閣文字

仗節辭王室悠悠萬里轅諸君皆雨別一士獨
星言啼鳥亂人意落花銷客魂東坡愛巢谷頗

恨晚登門

軍中二十日此夕始聞雞塵暗天街靜沙長海

路迷銅駝隨雨落鐵騎向風嘶曉起呼詹尹何

時脫蒺藜

樓臺俯舟楫城郭滿干戈故吏歸心少遺民出

涕多鳩居無鵲在魚網有鴻過使遂睢陽志安

危今若何

今沈頤家 余回京口北人歎之府中余不
得離岍上得沈頤家坐卧北不意余爲
孤舟霜月迥曉起入柴門斷岍行簪影荒畦落
履痕江山渾在眼宇宙付無言昨夜三更夢春
風滿故園
長溪道中和張自山韻
夜靜吳歌咽春深蜀血流向來蘇武節今日子
長遊海角雲爲岍江心石作洲丈夫竟何事底

用泣神州

卽事

去年傷北使今日歎南馳雲濕山如動天低雨
欲垂征夫行未已遊子去何之正好王師出
峒麥熟時

英德道中

海近山如沃林深屋半蕪乾坤正風雨軒冕總
泥途自歎鳶肩薄誰憐鶴影孤少年狂不醒夜
夜夢伊吾

歷代詩選 卷之九

別里中諸友
青山重回首風雨暗啼猿楊柳溪頭釣梅花石
上尊故人無復見烈士尚誰言長有歸來夢衣
冠滿故園

建康

金陵古會府南渡舊陪京山勢猶盤礴江流已
變更健兒徙幽土新鬼哭臺城一片清溪月偏
于客有情

真州驛

山川如識我故舊更無人俯仰干戈跡往來車
馬塵英雄遺算晚天地暗愁新北首燕山路淒
涼夜向晨

固陵道中

九天雲下垂一雨作秋色塵埃化泥塗原野轉
蕭瑟十里一雙埃狐兔卧荆棘見說數年來中
州乍蘇息

發東阿

東原深處所時或見人煙秋雨桑麻地春風桃

李天貪程頻問堠快馬緩加鞭多少飛檣過噫
吁是北船

保州太祖墓

我行保州塞御河直其東山川猶有靈佳氣何
鬱蒸顧我巾車囚厲氣轉秋蓬辦香欲往拜惆
悵臨長空

除夜

門掩千山黑孤燈伴不眠故鄉在何處今夕是
窮年任世真無係爲囚已自然勞勞空歲月得

死似登仙

元日

慙愧雲臺客飄零雪滿瓊不圖朱鳥影猶見白
蛇年宮殿荒煙隔門庭宿草連乾坤自春色回
首一潸然

送曹大著知廣德軍

暫屈瀛洲客來臨汴水民山川歸史記岳牧屬
詞人館舍朋簪舊都門祖帳新儒林官可紀何
止更稱循

題陳國秀小園

長鶴展輕翮遠棲松桂林故宇入清夢盤盤入
苦心中林風月賒十畝團幽陰林下有奇士繞
樹從之吟

聽羅道士琴

斷崖千仞碧下有寒泉落道人揮絲桐清風轉
寥廓飄飄襟袂舉冰紈不禁薄紫煙護丹霞雙
舞天外鶴

題吳城山

龍行人鬼外神在地天間彭蠡石罅出洞庭商
舶還秋風黃鵠遠春雨白鷗閒雲際青如粟河
流接海山

予鄧峒

巽齋歐陽先生爲吟鄧峒賦詩

以孝子慈孫望于人先生之盛心也敢
不拜手敬贊鄧君勉之

乃翁猶旅殯霜露幾焄蒿日與清江遠雲連桂
嶺高時無郭元振夢有令狐絢日斷方田墓招
魂我欲騷

文山卽事

宇宙風煙瀾山林日月長
開灘通燕尾伐石割
羊腸盤谷堪居李廬山
偶姓康知名總閒事一
醉棹滄浪

山中和韻

白扇揮殘暑青鞋踏嫩晴
花牀尋小隱石鼎引
長鳴紗帽有時去酒壺
惟意傾山僧癡與坐閒
却處彌明

中文賦

驟雨知何處一溪秋水生
苦吟肩鶴瘦多病耳
蟬鳴隱几惟便睡挑書
正倦行山深明月夜
巧我半窗清

別謝愛山

君今拂衣去我獨枕書
眠一片過林雨數聲當
戶蟬情長空有恨吟苦
不成篇後會知何日西
風老雁天

病愈簡劉小村

倦餘心似醉病起首如蓬
黃竹斷橋雨白蘋長

歷代詩選 卷之九 七
笛風僂僂鳴屢舞咄咄雁書空孤負秋來眼閒
挑爨下桐前臨小牀

病坐偶成

蕭蕭秋夜涼明月入我戶攬衣起中庭仰見牛
與女坐久寒露下悲風動紈素不遇王子喬此
意爲誰語

秋半曉起

遠寺鳴金鐸疎窗試寶熏秋聲江一片曙影月
三分倦鶴行黃葉癡猿坐白雲道人無別事抱

滕看回文

拜羅氏百歲母之明日主人舉酒客張千
載心賦詩其喜贊不自己見之趣韻

翠微三島近畫閣五雲橫春水鷗聲滑夕陽鴉
背明尊前持一笑花下卧餘醒曾見瑤池母不
爲虛此生

醉清湖上三日存叟獨不在坐卽席有懷
石鼎吟方透瑤觴醉未闌疎林花密綴舊壘燕
新安春半湖山好夜深江海寒王孫隔芳草初

歷代詩選 宋文宗 卷九十一 十一
月正相看

題楚觀樓

西風吹感慨曉氣薄登臨半壁楚雲立一川湘
雨深乾坤橫笛影江海倚樓心遺恨飛鴻外南
來訪遠音

余題鬱孤泉五湖翁姚濂爲之和翁官滿

歸里因韻贄別并謝前辱

巢龜君住好涌翠我來遲夜雨呼三韭春風試
一旗飛花行客夢芳草故人思何日五湖上同

看浴海曦

用韻謝前人

茲遊良邂逅吾道未透遲斗野橫雙劍牛津直
兩旗北風應小住明日便相思輸與君家近扶
桑五色曦

天邊青鳥逝海上白鷗馴王濟非癡叔陶潛豈

醉人得常須報國可隱卽逃秦身世何時定挑
燈着劍頻

歷代詩選 卷之九 其
泰和

書生曾擁碧油幢
耻與羣兒共豎降
漢節幾回登快閣
楚囚今度過澄江
丹心不改君臣誼
清淚難忘父母邦
莫訝鄉人知我瘦
經旬絕粒坐蓬窗

和中齋韻

功業飄零五丈原
如今局促傍誰轅
俛眉北上明妃淚
啼血南飛望帝魂
骨肉凋殘惟我在
形容變盡只聲存
江流千古英雄恨
蘭作行舟柳

作樊

有感

石郎草草割山川
一落人手三百年
八州風雨暗連天
三皇五帝如飛燿
人人野祭伊水邊
春秋斷爛不復傳
白頭潦倒今曾連
夜深危坐日晏眠

和蕭安撫平林送行韻

得失元來付塞翁
何心桃李問東風
人皆有喜榮三仕
我尚無文謝五窮
秘苑固知朋可正
畏

途猶恐甲方裹欲酌長者殷勤祝坎止流行學
四忠

題碧落堂

大厦新成燕雀歡與君聊此共清閒地居一郡
樓臺上人在半空煙雨間脩復盡還今宇宙感
傷猶記舊江山近來又報秋風緊頗覺憂時髮
欲斑

和韻送逸軒劉民章

少日屠龍事已勞送人千里發江濤蓬萊地近

風方細闔闔門開日正高春裏看花須款款雨
中剪韭且陶陶金吾已辦長安月雙鳳扶雲立
海鼇

山中卽事

携壺藉草醉斜陽白鶴飛來月下雙蘆葉西風
驚別浦芭蕉夜雨隔疎窗千年帝子朱簾夢一
曲仙人鐵笛腔若問山翁還瘦否手持漁竹下
寒江

送人往湖南

雁拖秋月洞庭邊客路淒涼野菊天雲隔酒樽
橫北海風吹藜杖落西川夜深鬼火千山雪春
後鵲花一樹煙爲我祝融峰上看朝暎白處禮
蓬仙

七月十三夜用燈牌字韻

赤壁當年賦子虛西風忽復到菰蒲蟾蜍影裏
千秋鑑蟋蟀聲中七月圖詩思飄飄入雲漢歌
聲隱隱動江湖萬家簫鼓連燈火見說年來此
事無

挽李制帥

世變江河渺未涯如公真是濟時危幾年荆益
龍驤譽一日瀟湘鵬識悲天下皆傳清獻節人
心自有武侯碑郎君昔共慈恩約投淚西風寄
些詞

贈周東卿畫魚

觀君瀟湘圖起我濠上心短褐波濤舊秋雨菰
蒲深

禪關

秋風吹日上禪關路入松花第一彎只願四時
煙霧少滿城樓閣見青山

塵外

半山風雨截江城未脫人間總是塵中夜起看
衣上月青天如水露華新

雲端

半空天矯起層臺傳道劉安車馬來山上自晴
山下雨倚欄平立看風雷

附謝枋得詩

字公直別號疊山文節其門人私謚也信之弋陽人宋亡不仕

所迫之絕
元粒而死

謝人冬至送酒鴨

陽復且閉關萬物畏坤含雙鳧飛天外鷺食何
貪婪儒道又一泰十年亂愈餓誰家讀書堂庭
階無青蘆此時談詩書蓮經提魚籃平生太玄
文知者無一譚之子愛野鴛驥駒舞兩驂厚顏
酒食饌不獵懸鶉鷓寒威甚毒矢三杯勝七鎗
爛醉尋梅花登峰吾尚堪

菖蒲歌

有物竒峭天琢成有草天天冬夏青人言菖蒲
非一種上品九節通仙靈異根不帶塵埃氣孤
操愛結泉石盟明窗淨几有宿契花林草砌無
交情夜深不嫌霜露重晨光疑有白雲生神農
已知入本草靈均蔽賢遺騷經幽人耽翫發仙
輿方士服餌延脩齡綵鸞紫鳳琪花苑赤虬玉
麟芙蓉城上界真人好清淨見此靈苗當大驚
我欲携之朝太清瑤草不敢專芳馨玉皇一笑
留香案錫與有道者長生人間千花萬草儘榮

艷未必敢與此草爭高名

荆棘中杏花

墻東荒蹊抱村斜荆棘狼籍盤根芽何年丹杏
此留種小紅濺濺爭春華野人慣見謾不省獨
有詩客來咨嗟天真不到鉛粉筆富艷自是宮
闈花曲池芳逕非宿昔蒼苔濁酒同天涯京師
惜花如惜玉曉檐賣徹東西家杏花看紅不看
白十日忙殺遊春車誰家園裏有此樹鄭重已
着重幃遮阿嬌新寵貯企屋明妃遠嫁愁清笳

歷代詩選 卷九十一
落花縈簾拂牀席亦有飄泊沾泥沙天公無心
物自物得意未用相凌誇黃昏人歸花不語惟
有落月啼棲鴉

崇真院絕粒偶書付兒熈之定之奔呈張

蒼峰劉洞齋華甫

西漢有臣龔勝卒閉口不食十四日我今半月
忍渴飢求死不死更無術精神常與天往來不
知飲食爲何物若非功行積未成便是業債償
難罪太清羣仙宴會多鳳簫龍笛鳴瑤瑟豈無

道兄相提携騎龍直上寥天一

和道士陳天隱

學道無魔道不成神人得計是無名光風自覺
長瀟灑明月何曾有死生早悟梅山難養性何
如福地別尋盟梅花香裏堪聯句莫笑人間石
鼎鳴

送程楚翁遠遊

近日人傳庾嶺梅南枝落盡北枝開長安舊日
元無此盡是江南人送來

歷代詩選
身詩疊山
寄謝叔曾

紅葉飄搖霜露清去年今日正同行夜來似與君相見明月一窗梅影橫

桃

尋得桃源好避秦桃紅又見一年春花飛莫遣隨流水怕有漁郎來問津

蠶婦吟

子規啼徹四更時起視蠶稠怕葉稀不信樓頭楊柳月玉人歌舞未曾歸

宋詩卷之九十一終

石倉十二代詩選

宋詩卷之九十一

石堂集

宋寧德陳普著

明後學曹學佺閱

擬古

秋聲金氣流天空露灑灑素波合流月滔滔蒲庭霜遙夜一美人寒閨自徬徨暗塵集凌波輕飈感鳴璫天性賦貞清動止中矩方世無夔夔子窈窕空英皇抱璞如臨淵日入不下堂時操弄玉簫空中來鳳凰歲月如流星髮變面欲黃

服玉固雪膚絕意百兩將

又

秋夜永如年四壁號寒蛩明月照樹葉白露啼
青桐寒窓紫玉琴時變羽凌宮三彈不成調百
憂鬱攻中

又

東方有樂國開闢先栢皇鸞風爲鷄鶩麒麟爲
犬羊晨霞作朝食太和爲酒漿土無干戈禍人
各千年長下視禹九州有土皆戰場白日虎狼

行青天蛟龍翔我欲爲遠遊滄海渺無梁何年
夸娥氏移置天中央

又

同根一味草時命嗟異遇風月芳香合兩地隔
周楚爾生麟趾家朝夕沐玉露我在雲夢林百
草相蒙妬白璧終不緇惇惇亦良苦

和友人韻

兒童恨芳草不識春長在簞瓢日晏如焉知顏
樂改黃鶴雅入聽鷓鴣亦可罪混沌何曾死拱

壁莫輕碎野馬恣流行遊絲無罣礙緬懷良友
心不言默相對願爲蛩駉交共話螻螿戴

望雲

幾愛山中雲杳藹起無跡晴風吹綠樹天節日
已尺悠揚幾片飛出岫度絕壁斂作蒼狗形舒
爲鯤鵬翼朝抹峩嶠青暮蘸滄海碧江南與江
北蕩蕩恣所適何如雲中仙避囂隱幽寂採藥
雲下林礪劍雲上石乘雲騎茅龍倚雲吹鐵笛
我欲徃從之飄然不可測

壬辰日蝕

憶昔度宗皇帝時十年十三日食之似道負顛
湖海曲天子宮庭耽樂嬉蒲朝翁翁皆婦人禍
來照鏡方盡睂北軍順流日食既兩國正爾爭
雄雌興亡豈必皆有數百年以來士氣衰文臣
髀肉不識馬武士驚魄怕見旗

凭闌

高豁乾坤眼山晴綠雨收夕陽流水遶荒草白
雲浮柳蔭小溪側樵歌古渡頭凭虛發清嘯安

得仲宣樓

德陽林梅麓太守輓章

殷士皆周裸南音獨楚冠寢車人更怒負俎我
何安義合雍容就名應久遠看梅花真鐵石耐
得許多寒

野燒

雜沓平原起電紅憑陵勢欲逼青峯草茅不問
新開甲蠶戶尤恰乍啓封何暇胤侯分玉石畧
如伯益逐蛇龍際天逸德無人問獨倚高樓到

晚鐘

懷古

世事悠悠一轉頭斷雲荒草古今愁青山北去
黃河隔白日西飛東水流秦有金牛開劍閣楚
無熊虎割鴻溝多情蕭寺峯前月幾夜蛩聲影
半樓

答友人

雲作交遊山作賓道心爲主自安貧柴門無鑰
見同物竹帛有名終累人綠水一潭澄靜性青

歷代詩選 宋詩尚卷 四
山萬疊裹閑身紛紛望拜馬蹄下不見胸中萬斛塵

贈清叟行

共君一夜話三生語正投機君又行溪柳效顰添別恨岸花和意送離程驚時莫問歸巢燕贈別愁聞求友鶯今夜夢中重聚首鷄聲茅店已三更

秋日即事

夜床輾轉恨明遲曉髮梳寒倚竹扉樹影紙牕

如玉左接蓬萊古洞天峯前水帶縈九曲依然幻出武陵源擬就峯傍新卜築鶴歸錯認華表存

應笑世人枉追逐

右石堂山中八景今存其四

石倉十二代詩選

宋詩卷之九十一

終

王文憲公文集序

孔子曰禮云禮云玉帛云乎哉樂云樂云鐘鼓
云乎哉文之爲文關乎道也古之聖賢得時行
道若堯舜禹湯文武之爲君臯夔稷契伊傅周
召之爲臣善政嘉謨載之方冊夫是之謂文或
聖賢之徒不見用于時窮極天人之理考古帝
王經世之道若孔子而下顏曾思孟刪定著述
開示後世夫是之謂文是皆不倚于物而能與
天地日月同悠久者係乎道也下逮戰國能言

之士各以所見立爲議論或戾乎聖賢之道者君子有所擇焉漢唐以下代有作者揆之于道稱而無疵殆亦鮮矣宋濂洛關閩諸君子出然後性理之學天開日朗學者始有所依據文章議論一歸于正道之明也辭則存乎人也金華王文憲公天資高爽學力精至以其實見發爲文章足以明道德使其見用足以建事功而卒老于丘園惜哉若其詩歌又其餘事也六世孫四川按察僉事迪衷而成帙義烏縣正廬陵劉同丞鄱陽劉傑政有餘力用鋟諸梓其亦知所用心者哉

明正統八年春二月甲午光祿大夫柱國少保禮部尚書兼武英殿大學士南郡楊溥序

王文憲公文集序 終

石倉十二代詩選

宋詩卷之九十二

魯齋集

宋金華王栢著

明後學曹學佺閱

赤松卽景

平生百慮懶尚有丘壑心佳哉二三友同盟時
 幽尋壯懷豁虛曠玄宮窮邃深時方釀薄暑萬
 綠漲雲岑新篁疑粉翠日影篩碎金瘦筇扶野
 步羽扇搖清吟漱齒掬清泚雪瀑開風襟脫巾
 挂琪樹露頂涵重陰山禽自在語濁醪自在斟

歷代詩選 卷三 晉書 二四四
物外轉栖碧石險蒼苔侵何時侶麋鹿結茅入
深林

和葉聖予小桃源韻

二仙何如人夫豈古隱士道成遡沈寥羊卧不
再起鸞鶴舞松聲蕭騷快心耳金竈清塵生餘
丹不輕委我來桃源遊直窮路所止飛蘿搖春
煙素雪噴清泚何時架草堂深入此山裏條然
逝世慮鍊魄繼遐軌

送立齋入閩哭久軒

雙溪秋氣深送子臨古道古道如掌平四顧行
人少行行復行行何日度南嶠故人今已矣轉
憶平生好世事浩無涯愁雲黯江表

送希夷之江西

小雨歛輕塵秋聲滿亭驛驅車過南浦別懷徒
襞積世道斯凌夷爲善不自力一朝曾兩生爲
人作行色誰知離索悲有甚萬鐘失

和寬居見懷韻

北望戲馬臺荆榛滿中路英氣一何多懷古渺

難沂山河腥日月虎豹沐雨露纍纍楚猴冠異
哉天所賦豈無濟川才淹留秋不暮清風從何
來灑灑定吾故贈我金琅玕鑿落雙魚素

秋熱

西風不力征老火未甘退蟬聲亂耳繁癡蚊健
始最一雨從天來不復有故態天序自分明人
心其少耐

舟中和葉聖子

桐江波漸滑霽色午方開香火嚴蘭若煙霞老

釣臺崖高微徑險水轉萬山回欲訪先生裔相
從買一坏

其二

江濶風帆急潮回沙露痕寒林無剩葉茅舍各
成村雁落煙波渺鴉歸野色昏未知孤客棹今
夜泊誰門

野興

文字飢難煮爲農策最良興來鋤曉日倦後卧
斜陽秋稼連千頃春花醉幾場任他名利客車

馬逐康莊

和趙師日韻

我生無燕領四壁笑相如門巷堪羅雀燈窗且
讀書老來心事懶貧後故人疎尚有多情月時
時到敝廬

蘭

早受樵人貢春蘭訪舊盟謝庭誇瑞物楚澤擷
芳名蒼玉裁圭影紫檀含露英奚奴培護巧苔
蘇日菁菁

催雨

人世如居甌驕陽不可鉏未聞芻作狗安得夢
維魚賦歛民生槁干戈國計虛安危關一飽雨
意莫躊躇

題定武蘭亭副本

玉華末命昭陵土蘭亭神蹟埋千古率更榻本
入堅民鹽帝歸裝投定武薛家翻刻愚貴遊舊
石宣和龕御府胡塵橫空飛渡河中原荆棘穴
豺虎維揚蒼茫駕南轅百年文物不堪補紛紛

好事競新模，傾歆醜俗。遺矩如今，薛本亦罕。
見髣髴典刑，猶媚媮媮。清歡盛會，何足傳右軍。
他帖以千數，託言此筆不可再。慨然陳迹，興懷語
今昔相視，無已時。手掩塵編，對秋雨。

適莊兄遊山

誰閣重陰一日晴，清遊應是愜高情。遙知雨後
山光好，但想雲邊屐齒清。素壁雖曾題舊字，沈
疴不許畝新盟。因知關吏留魚鑰，謾遣奚奴候
晚程。

題山橋

北山之北兩山齊，一逕蜿蜒石作梯。脚力倦時
山始好，芙蓉東畔赤松西。

其二

石磴斜溪下水隈，玉虹鎖雪掛崔嵬。雖然只是
泉三疊，滂湃聲搖萬壑雷。

附劉文迎詩

雲中君圖

衣若新沐蘭湯，薰靈巫拜舞方迎。神恍然相見

帝者服九歌昔詠雲中君畫史亦可人妙入造
化域羽衣玉塵美且閒此意不知何處得空明
倏忽紛漠濛胡爲眷眷臨壽宮飄然來下復遠
舉想像決去隨飛龍祠空人散秋蕭瑟落日猿
聲喚秋色湘天極目青茫茫憑高一望無南北

梁忠信平遠山水

憶昔西遊大梁苑玉堂門閉花陰晚壁間曾見
郭熙畫江南秋山小平遠別來南北今十年塵
埃滿日不見山烏靴席响動千里只慣馬蹄車

轍馬明窗短幅來何處亂點依稀澹寒具煥然
神明頓還我似向白玉堂中住濛濛煙靄樹老
蒼上方樓閣山夕陽一千頃碧照秋色三十六
峰凝曉光懸崖高居誰氏宅縹緲危欄蔭青樾
定知枕石高卧人常笑騎驢遠遊客當時畫史
在上方想見泉石成膏肓獨將妙意寄毫楮我
愧雨立隨諸郎此行真成幾州錯區區世路風
波惡還家特作發願文伴我山中老猿鶴
連日雪惡用聚星堂雪詩韻

朔風朝來放雲葉紛紛吹落籠沙雪山河大地
同一如變化須臾亦奇絕叅天松頂老猶強捨
地竹頭低欲折亂飄書帙愛窗明狂入地爐驚
火滅重衾方擁膚尚粟凍筆將書肘先掣未容
衰白點髮華只許醉紅生面纈何人清唱墮梁
塵有客高吟霏鋸屑昔賢句法今尚在故事歷
劫徒能說是中聖處公會無一粒靈丹工點鐵

題十翁圖

寶箱拂塵金鏹膝周昉丹青見真筆春風曾憶

賦妖嬈人共畫圖成十一燭奴香底花光凝錚
錚鐵響聞三更車聲雷動不通語眼態波橫空
送情蠻雲盤鶴遼天濶犀玉依依對書札人生
何處不相逢還醉武陵溪上月

郭熙秋山平遠用東坡韻

槐花乍過舉子閒舊遊憶在夷門山玉堂會見
郭熙畫拂拭縑素塵埃間楚天極目江天遠楓
林渡頭秋思晚煙中一葉認扁舟雨外數峰橫
翠巘淮安客宦踰三霜雲夢澤連襄漢陽平生

獨不見寫本慣飲山綠殮湖光老來思歸真日
日夢想林泉對華髮丹青安得此一流畫我橫
筇水中石
海上
潮感三山島煙橫萬里沙
蜃樓春作市鼉鼓暮
催衙一曲水仙操
片帆漁父家安期定何處試
問棗如瓜

秋郊
秋水四五尺暮山三兩峰
浮雲白毫相落日紫

金容篔簹笠前村
笛樓臺古寺鐘
殷勤小平遠圖
畫憶渠儂

代人憶舊

緩步素絲障微吟紫綺裘
醉便風側帽歌愛月
明樓犀軸題春恨
銅荷滴夜愁
風流十年夢燈
火漫揚州

題雪浦人歸圖

亂目寶花雨過
睂斑竹筇拏音迎
畫鷁喜態動
烏龍水鏡千江
月風琴萬壑松
遙知永今夕情

話得從容

彦美生朝

壯日里問俠臂彎雙角弓繡鞵紅匝匝貂袖紫
蒙茸雲態自蒼狗玉輝猶白虹為君占壽骨綽
起有清風

車輻輳

馬虺隤牛穀棘山行縈紆車輻輳路傍指點是
官人老矣一翁雙鬢白汝牛幸可耕汝馬幸可
騎有此可載琴書歸胡為奔走東西道白髮刀

巖被人笑

沙漫漫

沙漫漫草斑斑南山北山相對看我行乃在山
之間行人仰不見飛鳥樹木足知邊塞少沙漫
漫草斑斑我行欲赴西風還僕夫汝莫愁衣單
我但着衣思汝寒

寄題安崑起官舍北漠

一軒高占鳳麟洲要作人間汗漫遊海國風煙
自朝暮洞天日月幾春秋夢魂欲拂三花樹生

計聊隨一葉舟待我丹成訪君去
閨風在處十
菟裘

莫州道中

楓林葉葉墮霜紅天末晴華一鏡空
野曠微聞
鳥鳥樂草寒時見馬牛風人生險阻艱難裏
世事悲歌感慨中白髮孀親倚門處
夢魂千里付
歸鴻

和人七夕韻

今古良宵此會同望窮雲物有無中
人間鈿合

三山隔天上靈槎一水通
鳩鵲樓空紈扇月鴛
鴦機冷苧羅風不須更乞蛛絲巧
久矣人生百
巧窮

題吳彥高詩集後

片雲蹤迹任飄然南北東西共一天
萬里山川
悲故國十年風雪老窮邊名高驥北無全馬
詩
到西江別是禪頗憶米家書畫否
夢魂應逐過

江船

代王簿上梁孟容副公二首
六天土風流

妙年椽筆賦長楊一日聲名滿四方天上風流
青瑣客人間嘉慶綠衣郎錦囊看讀金花誥畫
戟閒凝燕寢香預恐政成趨憲詔海沂無計駐
王祥

自笑微官馬骨高十年霜髮雪才騷長林豐草
未適性尖帽短靴安得豪名宦真同一雞肋簿
書空束兩牛腰故園清興湖山裏歸去經營一
把茅

三山清明前十日作

雨餘天氣動朝寒寒食都來數日間羯鼓催開
小桃李畫屏圍出好溪山塵埃老我真堪笑風
物撩人欲破慳梅雪已殘春過半一樽何處與
公閒

聞丘文晚集慶壽作詩戲之

桃李欲開風雨多花時猶得屢經過緩聽一曲
玉連瑣滿泛十分金卷荷紅燭影紗窗喚馬翠
羅承鞵見凌波杜陵老矣孤春事奈此詩愁惱
亂何

明日復會客普照繼呈此詩去及仄不數

日矣

室中呼起散花天來伴維摩到處禪百刻篆香
消晝永一番花雨破春妍雲山真欲追聲叟風
腋何妨借玉川他日相思共明月舊遊應說禁
煙前

觀古作者梅詩戲成一章

翠袖佳人脩竹傍風姿綽約破湖光靜中慣識
形神影妙處誰知色味香觀想有靈通水月孤

音無伴挾冰霜故人愁絕今何許煙雨霏霏子
半黃

上施內翰

十年不見建安公草木依然臭味同賴有酒樽
煩北海可無香辦禮南豐天墀禮樂三千字海
國鷗鵬九萬風正以高軒肯相過免教書客感
秋蓬

聞彥美服藥以詩問訊

耳邊塵事且無喧聽我歸耕郭外村賤子自藏

歷代詩選 卷九十二 三
蝸殼舍故人誰僉雀羅門書窗共作三年計樽
酒相逢一笑溫不信家山不堪隱仇池今在古
銅盆

次劉元直韻二首

秋來何事憶歸頻正以家無妬婦津未許桂枝
招隱士不妨桃葉贈行人夢魂歷歷千山遠客
宦悠悠五斗貧犀箸鸞刀許何日歸來舉案得
紛紛

半年歸夢別離間只有音書雁足還羅幕翠橫
秋掩冉玉壺紅濕淚爛斑天明不作霧非霧月
破可憐山復山淮擬春風對眉廡一樽相對洗
愁顏

和曹次仲韻因以自感

自笑區區學道難未容香火訪名山因循憂患
餘生裏收斂光芒窘步間白社祝公今日始丹
丘客我幾時還相從願結翻經會共過壺中日
月閒

陪諸友登三山亭

歷代詩選 卷九十二
三百廿四
半濠清淺菱荷彫落日登臨未寂寥山色逼秋
渾作市海聲迎暮欲吞潮沙頭白鳥疑相熟木
末青旗苦見招不似常時對官府可無閒話及
漁樵

次韻夜雨

海山何處是蓬瀛節物催人意自驚客裏厭逢
今舊雨夢餘愁聽短長更故園頗覺歸期緩老
境難堪末段清想得詩成正蕭瑟竹窗燈火夜
微明

題歸去來圖

筆端竒處發天藏事遠懷人涕泗滂餘子風流
追魏晉上人談笑自羲皇折腰五斗幾錢直去
國十年三徑荒安得一堂重寫照爲公桂酒瀉
蕉黃

寄題孔德通東園

花木陰陰一畝宮平生高興與誰同樽罍北海
無虛日鄉里東家有故風先業固知衣鉢在大
門應惜橐奩空襄陽耆舊今誰識尚喜風流見

阿戎

呂邑道中

屋角雞號夜向晨客牀相對話悲辛流離僅脫
噲等伍老大空為濟上人却掃欲安無事貴累
人猶說立錐貧故山鄰里今安否歸去同尋笋
蕨春

題仲山枝巢

鏡中青鬢入霜皤歲月從交落魄過物理不容
人過分生涯休歎我無多百年竟似蠅鑽紙萬

事終同鼠飲河祇恐徐公宿緣在東風時夢海
棠窠

過關渡水圖

短車無復駕青牛散策方來對白鷗煙水從容
許君獨暫須分我一船秋

河橋

桃李香中八九家青旗高挂綠楊斜晚來風色
渡頭急滿地蕭蕭楊白花

石倉十二代詩選

宋詩卷之九十三 終

此等詩皆與六一韻本
此等詩皆與六一韻本
此等詩皆與六一韻本
此等詩皆與六一韻本
此等詩皆與六一韻本

石倉十二代詩選

宋詩卷之九十三

滄浪集

宋樵川嚴羽著

明後學曹學佺閱

行子吟

行子在江海飄飄靡常踪有如芒碭野朔風捲
飛蓬朔風無休期飛蓬日千里散落天地間寧
有復歸理胡雁西北來一叫三徘徊何時別沙
漠昨夜宿陽臺同羣一相失羽翮常低摧人物
有殊性奈何罹此哀

又

昨夜客遊初結交重豪邁高冠湛盧劍志若輕
四海白首悔前圖蹉跎天一隅寒冬劔門道失
路空踟躕深林聚豺虎絕壁號猩猩雪深車軸
折征馬驚啼呼何當返故處殮黍居田廬淚下
不能禁腸轉如轆轤

我友遠言邁

朔風卷秋樹白日寒無光是時鴻雁來四野何
蒼茫我友遠言邁使我結中腸如何携手歡一

旦成異鄉行旅有期程遊子多悲傷置酒欲高
歌淚來沾我裳四座慘相顧征馬亦徬徨未知
會否日且復盡茲觴

悠悠我行邁

悠悠我行邁邈在天一方道路無終極時節異
炎涼路逢故里親揮泣問我鄉妻子別離久不
知今存亡中原多白骨城邑聚豺狼遠去無僮
僕思還絕餼糧寄語家中人遠行良可傷

朝日臨高臺

朝日臨高臺
瞻彼芳樹間
上有共棲鳥
和鳴何關關
爾乃慕儔侶
我胡獨不然
良友在萬里
邈然河與山
聚會豈不思
歲月倏已殫
未必無他人
要非心所歡

仙遊

憶讀玲瓏篇
來往虛皇閣
空見白芙蓉
秋風幾凋落
昨逢紫陽君
共有丹臺約
下視塵埃中
冠纓縛猿獲
世事行若此
悠悠復何託

其二

朝別簡寂觀
夜行石鏡溪
溪光照厓綠
月色正相宜
石上三道士
頎然好丰姿
或弄金光草
或把珊瑚枝
憑風招素手
賜我一玉卮
歎我事遠遊
蕭颯朱顏衰
長林孤月落
羽蓋何歲蕤
垂垂乘之去
棄我忽若遺
明祭聞無覩
但有青鸞啼

其三

瀑布似明月上
有石梁橋矯首
望東海正見蟾
蜃生揚輝天漢
間下照蓬丘城
桂實幾凋落
姮娥空聞名
咄哉玉斧子
不如白兔精
靈藥不服

歷代詩選 朱巖傳興 三
食執柯獨何成迢迢彩雲外誰吹白玉笙竦身
一長聽予若出寰瀛

登豫章城

憂來不自得登城望高天寒雲四面起朔氣下
長川脫劍且却坐君知心惘然奈何平生志鬱
抑江湖間凜凜秋風來茫茫落日晚長憂生白
髮沈想忘朝飯向來經濟士本是碌碌人蕭曹
刀筆吏樊灌屠販臣徒步取勲業漢道爲光新
我今何爲者飄飄去鄉國狂歌豫章城醉卧風

江碧但取英雄笑終慙倜儻生名當以德載事
耻因人成獨酌還獨酌哀歌還寂寞安得凌風
翰爲君拂寥邈

遊臨江慧力寺

舟中望古刹川上移琴樽隱隱林閣見迢迢鐘
梵聞列岫不離席驚濤常在門風帆與沙鳥汎
汎隨朝昏天高一幃掛室靜衆香焚煙起多近
郭鴉歸無遠村松際尚微雪經年來暮後賞惟
靜者契法對高僧論安得息塵駕永懷瞻獨園

歷代詩選 宋嚴備卿
四
明朝別此去惆悵滿松雲

山居卽事

稍欣入林深已覺煩慮屏霜果垂秋山歸禽度
嵐嶺紛紛葉易積漠漠雲欲盛澗底寂無人松
蘿窅然暝惟聞山鳥啼月上柴門靜終歲寡持
醪延歡聊煮茗羣書北窗下帙亂誰能整

廬陵客館雨霽登樓言懷寄友

終日坐汾澳邈然無少欣登樓一周覽始見萬
山羣微雨洗殘暑青天捲浮雲襟懷兩廓落朗

若見夫君見君君何在顧影還獨笑吏非金門
遊隱異滄洲調江明秋月白山空夜猿嘯徒事
百卷文未返一竿釣留滯豈勝愁非君誰與謀
水寒終赴海雁遠暫賓秋舉世不可語猶當傲
巢由贈君三尺劍永駕五湖舟

別客

客鬢風霜晚離亭鼓角聞念君當此去把袂不
能分衡霍連秋氣瀟湘合暮雲愁心將落葉向
晚共紛紛

歷代詩選 宋嚴伯卿 五
訪益上人蘭若

獨尋青蓮宇行過白沙灘一逕入松雪數峰生
暮寒山僧喜客至林閣借人看吟罷拂衣去鐘
聲雲外殘

出塞行

將軍救朔邊都護上祁連六郡飛傳檄三河聚
控弦連營當人白吹角動胡天何日匈奴滅中
原得晏然

江樓夜月懷故山友人

昨夜江樓月思君好斷腸猿聲相應發山色更
青蒼楚塞來書遠閩關隔夢長今朝看愁髮爲
爾半成霜

有懷閩風山人

把酒忽惆悵君今吳楚間孤雲隨馬首風雨隔
河關心事竟安在此行殊未還空將百年意泣
向寶刀環

懷南昌舊遊

昨在南昌府清遊不可窮杯行江色裏棹進月

歷代詩選 宋嚴備卿 六
明中樓笛吹晴雪
菱歌漾晚風
坐來懷舊迹
萬里一飄蓬

江行

暝色蒹葭外
蒼茫旅眺情
殘雲和雁斷
新月帶潮生
天到水中盡
舟隨樹杪行
離家今幾宿
厭聽棹歌聲

塞下

鞍馬連年出關河
萬里賒將軍
思報國壯士耻
還家大漠春
無草天山雪
作花誰憐李都尉
白

首沒胡沙

三衢邂逅周月船
臨別賦此

戎馬相逢日
那知復此間
客愁詩莫遣
世事酒相關
江上孤舟在天隅
兩鬢斑更將憂國淚
滿袖送君還

還山吟

日暮望南山
悵然歸思發
如何山中客
屢看城頭月
城頭月照女蘿秋
石磴潺湲瀉碧流
巖猿久別應惆悵
澗鳥相呼亦共愁
城南故人與我

歷代詩選 朱巖傳 七
好令我忘却歸山道昨夜西窗夢到家忽驚千
嶂芝花老朝來舟子從辭君回首空江語尚聞
別後莫嗟難見面相思只望嶺頭雲

孺子臺吟

去年醉與東湖別欲上衡湘泛秋月君家留我
却遭迴悵望還成阻脩澗西山縹緲翠屏開復
憶滕王倒玉杯經過始識洪厓井調笑重登孺
子臺臺前呼酒折荷花水淨煙明散落霞舉杯
失笑君何在望斷行雲空咄嗟故人別後還愁

緒此都不是余留處與來目送海邊鴻歸心掛
在閩溪樹

思歸引

海上之草綠芊芊洞門一閉今幾年仙驥去時
留紫鞭掛壁見之心惘然欲歸卽歸亦由我不
待功成何不可堯舜未能屈巢由自餘王侯何
足遊武陵春水綠蕭蕭就中亦有桑麻郊近聞
秦人笑相語待我東溪種碧桃

送戴式之歸天台歌

吾聞天台華頂連石橋石橋巉絕橫煙霄下有
滄溟萬折之洪濤上有赤城千丈之霞標峰懸
磴斷杳莫測中有石屏古仙客吟窺混沌愁天
公醉飲扶桑泣龍伯適來何事遊人間飄飄八
極尋名山三花樹下一相見笑我蕭颯風沙顏
手持玉杯酌我酒付我新詩五百首共結天邊
汗漫遊重論方外雲霞友海內詩名今數誰羣
賢翕沓爭相推胸襟浩蕩氣蕭爽豁如洞庭笠
澤月寒空萬里雲開時人生聚散何超忽愁折

瑤華贈君別君騎白鹿歸仙山我亦扁舟向吳
越明日憑高一望君江花滿眼愁氛氲天長地
濶不可見空有相思寄海雲

送吳會卿再往淮南

故人身披紫綺裘腰佩寶玦騎胡騶英風俠氣
橫四海辭我遠向淮南遊淮南桂樹應猶在八
公舉手遙相待明月高懸五兩頭隨君千里過
淮流十年鞍馬邊城道又是邊城見春草春草
萋萋路入秦長安北望空愁人荆楚奇材多劍

歷代詩選 宋 嚴 傳 九
客感慨相逢思報國男兒事業早致身青鬢須
防霜雪迫我向人間久拂衣白雲相伴掩巖扉
調琴鼓罷清商曲愁見孤鴻天際飛

臨川逢鄭遐之雲夢

天涯十載無窮恨老淚燈前語罷垂明發又爲
千里別相思應盡一生期洞庭波浪帆開晚雲
夢蒹葭鳥去遲世亂音書到何日關河一望不
勝悲

將至潯陽途中寄諸昆弟

渺渺孤帆去幾程悠悠天際望湓城一身避亂
辭鄉國千里相思隔弟兄猿叫匡廬寒暮色雁
過彭蠡帶秋聲江湖此去多飄泊腸斷風塵遠
別情

客中別吳季高

悠悠遠別半生悲白日相逢又話離海內風塵
愁未已天邊消息到何時洞庭旅雁春歸盡爪
步寒潮夜落遲惆悵孤舟從此去江湖未敢定
前期

寄郭招甫時在潯陽

夢向三江買釣船掛帆西去白雲邊窗開曉色
香爐見門落寒聲瀑布懸百年酒興陶彭澤四
海詩名孟浩然何日真尋塵外跡焚香酌茗話
先賢

送崔九過丹陽郡上荆門省親

江國歸心一雁牽河橋分手數杯傳千崖萬壑
秋聲裏匹馬孤帆落照邊牛渚寒波翻極浦荆
門晚樹合遙天他時莫枉瑤華問南北相思各

渺然

楚江晚思

旅思遙遙倦向南誰家煙火起晴嵐孤城歸鳥
連寒角極浦斜陽帶遠帆楓葉自能悲楚客竹
枝何用怨江潭今朝欲寫風波恨千里書成手
自緘

古澳儂歌

郎去無見期妾死那瞑目郎歸認妾墳應有相
思木

其二

朝亦出門啼暮亦出門啼
蛛網掛風裏
造思無定時

西陵望

西陵終日望不見有歸橈
欲去頻回首寒江起暮潮

送友人

黯黯離筵夕照收
江城羌笛起邊愁
念君此去三千里
何處關山是楚州

羽林郎

貂帽狐裘塞北妝
黃鬚年少羽林郎
彎弓不怕天山雪
生縛名王入建章

聞笛

江上誰家吹笛聲
月明霜白不堪聽
孤舟萬里瀟湘客
一夜歸心滿洞庭

吳中送客歸豫章

川程極目渺空波
送爾歸舟奈別何
南國音書須早寄
江湖春雁已無多

竹齋集

蘇

吟

詩

宋詩卷之九十四

石倉十二代詩選

宋詩卷之九十四

竹齋集

宋豫章裘萬頃著

明後學曹學佺閱

出門

出門復入門吾行竟安之携書北窗下翻閱聊
 自怡有懷千載人掩卷還歔歔采采首陽薇戀
 戀商山芝一裘或終身欣然釣江滸斯人不可
 作斯道日漙微目前稻梁謀鳧雁方齊飛青田
 寂無音歲晚將疇依慎勿出門去塵埃染人衣

葛蒲

康廬入吾懷十載馳夢魂踵門者何人遺余以
芳蓀歡然得其趣如對五老言幽姿出岩谷常
帶冰雪痕塵容爲一洗兩目不復昏忽思三峽
流褰衣涉潺湲因仍一寸石浸潤九節根人言
可扶老歲月須其蕃茲理諒不誣吾將從綺園

從人覓墨梅

熏爐束詩魂茗椀驅睡思掩關寂無營翰墨自
娛戲山寒溪正清月淡雪初霽橫斜雨三枝見

說可人意天機如胸中出手特餘事何時剪冰
紈來對病居士

題余仲祥松齋

芳妍桃李場紛趨歛成蹊長松坐偃蹇遂爾不
見知平生異時人不與俗轉移蕭然塵埃中擅
此丘壑竒窗虛境逾清四壁風來吹抱琴揖蒼
髯喜氣掀兩眉臭味旣與同相親不相違直期
閱歲寒可但忘朝飢

行役

歷代詩選 宋 卷之五
宿霧鎖山椒落月掛林側崎嶇歷岡巒髮髯辯
阡陌秋高風露寒道遠時序迫安得歸故園篝
燈理書冊

羅溪橋

我來從西昌日日困塵土誰知羅溪橋淨若初
過雨長松列左右清風奏宮羽薄暮舍籃輿扁
舟渡溪去

次伯仁善利閣小室韻

山林吾所宅夜月恒對影焉知江上人一日過

萬境褰裳步崇臺有室妍且靜徘徊不能去坐
見四山暝

見雪

兀冥當語誰餉我一簷雪吾廬本來靜得此更
清絕遙憐北海上徃徃已盈尺齧羶人在否毋
凌漢臣節

雨後

秋事雨已畢秋容晴爲妍新書浮穉稭餘潤溢
潺湲機杼蛩聲裏犁鋤鷺影邊吾生一何幸田

里又豐年

用鄭浮梁韻簡園師

杖屨山蹊窄鐘魚佛界深寒梅殘屋角春薺老
牆陰一水元無恙扁舟尚可尋煩師掬清溜爲
我洗塵心

次胡伯仁韻

山長飛鳥急江濶去帆微唱晚幾漁笛憑高一
釣磯從君濯冰雪滿袖得珠璣三歎不能已歸
來吟夕暉

送胡仲立入京

昔對延英日諸公歎弗如敢言天下事不負案
頭書此去朝雙闕懸知有異除榮途方駟駟未
用曳長裾

次施真人韻

素鞵方多難丹砂倘一逢勿疑蕉覆鹿會見竹
成龍澗水遠仍潔巖花幽更濃行行望仙宇知
在最高峰

厭原山中曉行

歷代詩選 卷九十四 四
碧雞夜半聲啁哳喚起幽人步林樾秋高風露
着林木無數寒花泣明月松篁一徑宛如畫石
溜涓涓更清絕山巔便好結茅蘆莫待他年髮
成雪

夜坐

爐火篝燈孰與同此心吾欲付冥鴻茅簷已作
涉旬雨蕙帳不禁連夜風一段清愁詩句裏十
分寒事酒杯中溪雲未用安排雪且聽梅花試
小紅

玉山道中時赴掌故之命

麥苗堆綠菜花黃一簇人家古道傍酒熟不妨
邀里巷年豐贏得事農桑世情只說宦遊好客
裏那知歸興長我有平生篋笠在釣絲何日理
斜陽

睡起書懷時諸公相勉再出

北窗終日廢書眠一枕清風值萬錢雲度茅簷
輕冉冉泉生石砌淨涓涓不嫌雨脚花間注要
聽秋聲屋外傳三徑初成吾欲老幕中何用泛

紅蓮

有感時與李弘齋有約

去年今日西歸客
曝背茅簷又一冬
歲月催人雖迅速
簡編于我却從容
知名焉用詩千首
養病聊須酒一鐘
早晚杖藜脩水去
故人相約許相從

懷范光伯再用韻

梅邊流水碧泅泅
都把相思付折梅
十載不禁雙淚落
一樽期慰九腸回
驚殘蝶夢鵲空喜
望

斷馬蹄人不來
咫尺雲山尚如此
天涯誰信得
追陪

用黃子益韻二首

青衫日日困塵沙
安用浮名與世誇
已過半生真似夢
未荒三徑且還家
恨無沈水紆香穗
喜有寒泉淪茗花
袖却西歸遮日手
園林幽處看桑麻

睡起歡然思慮少
病餘猶覺應酬艱
招搖風月聊須竹
收拾煙雲幸有山
但要世緣隨水斷
莫

唐代詩選 宋表元量 六
憂詩債幾時還追奔富貴非吾事且占林泉一
味閒

題懷秀堂

莫教滿地長莓苔杖屨從今日日來曲徑要隨
松巷轉柴門須對石梁開墻頭花木因時種案
上圖書任意堆幸有林泉堪寄老恐將雙脚踏
塵埃

大雪次前韻

誰知天巧出玄機但恠飛璫過眼奇
暝立風枝

寒雀倦愁吟冰谷曉猿飢蘆花洲渚月明夜柳
絮池塘春暮時此景人間不長有寫真傳影正
須詩

兀坐有感

意行曾到楚江腰占得雙泉第一寮窗戶邃深
鐘磬遠客塵都向靜中銷

癸亥夜夢

丙夜清眠正熟時夢魂飛去拜丹墀小臣乍得
披肝膽感慨分明涕淚垂

次余仲庸松風閣韻六首

飛花數點雨初歇啼鳥一聲春正長
讀罷黃庭了無事旋安銀葉試爐香

已著遺經洗此心更尋流水濯吾襟
經旬不涉溪邊路荇帶苔錢如許深

霧閣雲窗先自幽水聲那更繞牀流
春深紅雨落桃徑晝永清風生茗甌

簷間新燕幾時來簷外閒花徃歲栽
丹杏碧桃花落盡綠陰低處結青梅

淡月籠花花映窗好風吹竹竹浮香
夢回何處一聲笛人靜山幽天正涼

爲憐風雨趣春回故着秋花到處栽
蘭菊從來盛風味不妨環繞讀書齋

宿翠巖寺呈李弘齋僉判

匡廬勝處君曾到誰是淵明與遠公
幸有和陶詩卷在好依蓮社此山中

寄宋居士脩叔求庵記

翠琰新刊照眼明流傳何日到柴荆
從今不恨

歷代詩選
宋
論交晚我亦碑中有姓名

日出

日出柴門尚懶開
綠陰多處且徘徊
槐花滿地無人掃
半在牆陰覆紫苔

早作二首

井梧飛葉送秋聲
籬菊絨香待晚晴
斗柄橫斜河欲沒
數山青處亂鴉鳴
北窗清冷不成眠
風遞蛩聲到枕邊
試喚兒童捲疎箔
一簷花影月娟娟

秋

數聲牧笛日將晚
一曲樵歌山更幽
解帶盤桓小溪上
坐看紅葉汎清流

上元憶大梵明燈

經年不到豫章城
燈火遙聞鼓吹聲
却憶秋屏臺上寺
絳紗青玉幾長明

九日

籬落黃花尚自無
白衣猶未到吾廬
莫令此日負佳節
爲展淵明采菊圖

次仲庸初冬卽事

常歲霜天分外晴一溪如練浸冰輪今年風雨
 寧無夜誰與谿梅作小春
 君家秋實洞庭種小子持來獨未黃莫作蘇州
 書後夢只今惟欠蒲林霜

寄元齡第

季也東歸何太遲伯兮西望屢吟詩茅簷昨夜
 雪深尺人在蓬窗知不知

雪中再示元德元齡二弟

平生簞笠慣衝寒長憶江湖把釣竿昨夜北窗
 聞雪作夢魂飛到子陵灘
 青青窗外幾脩篁也學宮梅巧樣妝說與惠連
 須着句雪邊春色到池塘

再用韻寄弟

無人低唱兩三卮一任琉璃滿眼飛羅襪暗塵
 應洗盡月明吾欲看江妃
 憶昔騎驢犯曉寒酒旗隨處認長竿灞陵物物
 皆詩句不用牽船八節灘

歷代詩選 卷九十四 十一
眼前脩潔獨脩篁屢倩東風洗曉妝學舞腰肢
困珠玉可憐官柳在寒塘

再用韻

雪裏鷗盟故未寒小舟南浦着漁竿眼明似近
月千里衣冷欲迷雲一灘

余從元德第借到西郎書齋朝夕其間今

二年矣題戲作病僧寮云

華髮蒼顏一病僧向來文史頗關情只緣世網
無由脫遂學枯禪度此生

病僧行脚歸來後百事無心每閉寮日射竹窗
風葉亂煙凝香鼎篆紋銷

寄元齡第

莫怪窮年不入州載書前已會盟鷗市朝畢竟
多塵事且傍溪山靜處留
少年妄作功名想說着長安喜欲狂多病年來
怕奔走却思雲壑置藤牀

元齡第寄悲秋四詩因次

支離病骨怯初寒眼底清愁更萬端勉和新詩

雁代詩選 宋張元量
寄鴻雁江城夜月覓君看

余旣得烏石岡西望葛壇在雲霄中相去
雖遠山勢不斷林木歷歷可數異時乞
靈仙翁不難矣喜而成詩寄葛壇主人
東西知隔幾牛鳴山勢綿綿若引繩待向岡邊
結茅屋幅巾遙禮夜壇燈

寄張仲符時得烏石岡地

今人那似古人賢一鋪隨身日醉眠此老有靈
應笑我區區常費買山錢

寸田天地有長久此訣劉郎却未傳他日馭風
蓬島去謾留陳迹在山巔

酬余求之

枕中久已黃梁熟鏡裏從教白髮垂但得漁樵
分半席此生何必與人知
雨後輕窗無一塵窗前松竹更清新不妨踏徧
莓苔地遺我青鞋有故人

別曹教授

從渠柳色自青青莫爲行人賦渭城只恐南牆

舊時竹誤隨風雨作離聲
江花嘶柳太多情長逐春風管送迎我亦思歸
歸未得夜窗愁聽杜鵑聲

有感

三四知音總道山荷鋤吾獨在田間人言病驥
猶堪秣伏櫪何心十二閑

題老悟畫卷

吏隱三年楚水頭每隨鳧雁杙扁舟歸來喜色
驚隣里分得瀟湘一片秋

宋詩卷之九十四終

古梅吟稿引

閱吳君式賢詩稿句老而意新咀之雋永殊非
苟作聞其閉戶讀書孜孜忘倦經傳子史靡不
究心所以膏其墨端者有自來矣雖然學所以
脩身多識前言往行所以蓄德德裕于身則措
諸事業光明俊偉豈日能詩而已式賢勉之景
定壬戌左丞訥齋程元鳳書于清忠堂

岳伏得和杜集夔府百韻見貺大篇春容琅琅
金石之聲也老懶再廢不盡贊揚皇恐之劇惟

歷代詩選 月
一笑而已同郡秋岩方岳頓首

昔為縣味林共憂出百贈良跟大贏春容匪疑
或壬亥亥不唯添餘示風書于肅忠堂

石倉十二代詩選

宋詩卷之九十五

古梅吟藁

宋新安吳龍翰著

明後學曹學佺閱

飲馬長城窟

漢兵北伐胡飲馬長城窟此城何以高鋪填戰
夫骨此池何以深戰血化爲汁秋風吹水腥馬
聞亦辟易馬渴可奈何要馬載金戈長安有遊
冶走馬燕支坡

嘉禾沈園

歷代詩選

宋吳代賢

卷九十五

一

景物何其異虛岩人力成清池沈鳥影高樹落
蟬聲花日樓臺麗香風簾幙輕客來堪一借莫
恹百杯傾

嘉禾舟中

趨得東風便千錢買一舟嘉禾三日路陰木四
山秋野色緘詩思鵲聲替客愁煙波渺無際是
處可盟鷗

重陽客中

愁裏重陽近他鄉酒易沽秋風詩髮短寒夜客

燈孤笋笠月穿破荷衣霜打枯有懷吟不就端
不爲催租

感興

閉門逃俗客携酒過禪關竈古茶煙斷碑殘雨
蘚癭秋僧行影瘦夜鶴病翎寒片月隨人到孤
琴對佛彈

詩境

流水環詩境未容塵土侵步迂莎徑曲坐占草
堂深秋句蛩分和山杯鳥勸斟好懷無客共相

對一瑤琴

謾題

放曠疎林下清風吹鬢毛
傍梅讀周易對酒歌
離騷詩思秋雲淡古懷
明月高五湖天地別
爐水綠平篙

夏日書事

園林數間屋長掩竹笆籬
亭柳拂棋局瓶花落
硯池蝶狂如被酒蠅咽
似吟詩脫帽掛岩石涼
颺入鬢絲

寄題友梅堂友梅廼吳竹洲之孫

公昔洲多竹而孫梅作堂
月窗傳瘦影風壑度
寒香友也真魚水兄
今可雁行相看動吟興
時吐玉琳琅

吳越歸秋晚

湖海歸來晚園荒菊幾叢
秋山吟骨瘦霜葉醉
顏紅弔影寒溪上懷人
落月中青燈滋味永不
用哭途窮

樂府三首

歷代詩選 卷九十五 三
妾心江岼石千古無變更郎心江上水倏忽風
波生

製衣寄夫婿妾有冰雪段中間連理樹不忍剪
交斷

殘月小樓西鷓啼思欲迷妾夫在天南何不那
邊啼

俠客行

擊筑復擊筑欲歌雙淚橫寶刀重如命命如鴻
毛輕

牛首山觀楊子江

巨靈擘破此山石鞭起九龍入空碧山分爲兩
合不成夾住長江數千尺九道驚湍相擊撞雷
聲怒發誰敢當金牛恠獸不可數徃徃殺氣侵
肌涼嗚呼蜀道古來難燒棧能斷人徃還一夫
可敵百夫勇天險惟有秦函關固知長江當城
壁立此界限分南北東南王氣無窮年此江未
必成桑田君不見逆亮百萬鼓腥風海鯨出鬪
天掃空書生不能長鎗與大劔只坐帷幄收奇

功

題國直先伯祖海潮賦後

銀山突兀滄海頭夜半鼓噪萬貔貅爭雄角力
轉坤軸旋磨塵世偕浮漚朝朝暮暮自消長誰
言于此隨海鯨鵠革累尸已塵土未必怨怒卒
不休看公立論屈前輩筆端有力挽萬牛孤峰
絕岼氣象古亦復燦燦珊瑚鈎分明掘見陰陽
根判斷造化之深幽玄機發泄天帝嗔此文政
恐雷電收不然亦似畫鳥跡長夜鬼哭聲啾啾

公自騎鯨去不返滿江明月蘆花秋

西湖曲

十里風光煙水白峩峩帝城紫霧隔笛聲吹斷
蒲葉風鷺飛界破青山色湖波鱗鱗織成縠翠
蓋紅幢機上簇長安宮兒美少年馬蹄踏踏香
塵撲畫舫誰家窈窕娘半額鵲黃時樣粧玉手
折花嬌無力花枝半折銀絲長隔花躊躇意相
屬稍稍談笑聞餘香頰陽西落漢水遠無計問
覓雙瓊瑤巫山高哉但入夢安得插翮飛其傍

君不見吳姬采蓮自唱曲君王尚在舟中宿

春晚郊行

芒鞋竹杖出柴關
簡點園林脚不閒
翠幄初張花作局
錦棚成列笋爲班
煙波鷗鷺春風外
桑柘牛羊夕照間
埜興不須邀客共
芳樽濁酒對黃山

秋日遊竹會寺

竹樹陰陰古道場
埜仙仙去地荒涼
晚山俱似佛頭綠
秋草不如僧髮長
白墮莫辭今日醉
黃

花仍作去年香
禪翁留客殷勤甚
相對藤牀語夕陽

嚴陵釣臺

青壁千尋屹曉寒
何年人插釣魚竿
煙霞不受衣冠玷
天地那如篲笠寬
幸有同肩黃屋貴
不妨伸脚白雲端
能令漢室祇增重
可作巢由一例看

夜泊富陽

片帆東去逐鷗輕
滿得天公十日晴
新酒一壺

詩幾首故鄉千里月初更煙收山翠揩摩淨風
軟江波熨貼平苦是狂懷費消遣船頭吹笛到
天明

散髮

玲瓏窗戶午晴時散髮林間自一奇鳥睡香奩
花影動蟬吟涼境柳陰移高山流水琴三疊明
月清風酒一卮是要閉門妨俗客休令到眼敗
吾詩

行春次俞兄韻

幾日春愁不出行園林又是了清明春風桃李
一場夢夜月江山千古情吟倚長松伺鶴到坐
分危石看雲生此懷不解自拈出謾譜離騷入
笛聲

其二

多謝春風相此行馬蹄十里殘陽明故人楊柳
正年少知己青山舊日情思滿天涯芳草遠望
窮江際暮雲生同來佳客自不俗相對松陰聽
瀑聲

坐中詠蟬韻得飢字

兩翼纔乾殼已離便升林木最高枝銀牀梧落
秋風裏金掌盤欹曉露時斷續翻成無調曲悲
涼拈出苦吟詩前身應是夷齊輩高卧西山自
忍飢

白紵詞

吳宮煙水碧迢迢如鱗金屋凌琅霄北方佳人
顏如花素衣濯濯明朝霞雲母屏風真珠箔香
銷金鴨春寒薄璧月流光羅綺筵白紵舞殘西

月落君看月落夜潮平吳江濶今越江深吳王
醉去越王醒

贈劉後村

騎却青鸞上禁林崖崖聲價重于金花磚日轉
瓊箋暖蓮燭星歸玉漏沈翰墨挈來三昧手絲
綸畫出九重心春風已築沙堤路天上虛皇屬
意深

晚舟過臨平

煙鐘喚起夕陽愁渺渺臨平春事幽惟有風蒲

愛吟客听邊撩亂縮行舟

春晚留淮上

淮山歷歷春雲澹淮水湯湯夜月輝此處杜鵑啼不到江南行客未成歸

拜林和靖墓

老鶴高飛入白雲空餘殘照管孤墳清風千古鎮長在見著梅花如見君

久客買舟西還

萬里煙波興渺然愁心繫任灞橋邊歸裝詩少

不成載自拗梅花湊滿船

宮人斜

碧玉重重鎮墓門靦膏點火照黃昏春風幾度生芳草還似君王舊日恩

嚴灘對月憶雪壺六弟

仝君看月此徘徊今夜月明君不來安得清光刀剪破爲分一半到泉臺

水邊早梅

數花黯淡帶寒煙漏泄春光矮屋邊會被清池

歷代詩選 卷之五 九
寫疎影一枝分作兩枝妍

題王荆公讀書堂

六籍紛紛盡可奴翻騰字說乃箇奮可知山半
青燈夜只讀商君一卷書

繁昌道中

江晴日暖竹爲輿獵獵春風載此臞湊入灞橋
成一畫楊花吹雪糝吟鬚

張麗華墓

金井轆轤春夢殘香魂飛不到長安君王爲虜

妾爲土夜月分爲兩地寒

草堂

蒼煙落日草堂深淺淺寒侵白玉簪等客不來
童睡去自搖脩竹和新吟

春寒

二月漫漫雪滿山羣芳擔閣未堪觀亭間酌酒
且沈醉要爲小園花暖寒

樓居狂吟

菲蓬悔着市廛間長與青山面目慳突兀小樓

初結就藤牀石枕卧看山
湖海真成萬里遊寒風吹破黑貂裘歸來卧占
樓千尺夢落滄波明月舟
樓間丹壁富藏書悞學相如賣子虛何不買牛
勤教子邵平瓜地要人鋤
覓得樓中一覺眠將身化蝶入壺天平生睡債
何時足春在梅花紙帳邊

附李燾詩

客懷五首

久客墮塵土幽居懷翠微只餘清夜夢長作故
山歸菊已開三徑松應長十圍晨鐘忽驚覺猶
有露霑衣

寂寞三秋節淒涼萬里風關河盡形勝人物幾
英雄秦葉隨流水周禾滿故宮此心懸魏闕夢
遶浙西東

壯矣府中縣索如城外村墨池今掃迹石笋舊
餘根風急漢絃斷雨多秦鏡昏新秋一懷古情
緒若爲論

雨意忽如此客愁將奈何出門誰可詣掩卷獨
高歌塵世兔三穴古人蓬一窠區區奚足道默
默幸無它

長憶在家好已知從仕難紛紛猶嚇鼠悄悄政
栖鸞忘意躡高位敢言卑小官世途真甚隘懷
抱要須寬

過淨名院觸目都似曾到問訊乃非也戲

題絕句

入門髣髴記曾來問訊山僧始此回却覓舊遊

無是處只應形似遣人猜

世間形似巧迷人總是安排底處真縱復非真
猶足喜得來聊寄夢中身

附鞏仲至詩

東平人學
于東萊

曉起甘蔗洲

曉起東風惡晴嵐忽變昏船隨山共走霧與水
相吞鉦鼓遙知寨桑麻畧辨村雨來無準則容

易濕柴門

夜雨曉起方覺

夜雨鳴簷送五更不驚高卧最多情窗間細視
花無恙牆外隨聽屐有聲數把柔絲堤柳嫩一
奩方鏡闌波清出門眼界殊明潔但覺春寒處
處生

晨征

靜觀羣動亦勞哉豈獨吾爲旅食催雞唱未圓
天已曉蛙鳴初散雨還來清和入序殊無暑小
滿先時政有雷酒賤茶饒新麪熟不妨乘興且
徘徊

離建

旅中多得早朝晴野潤衣襟苦未清時時數點
雨猶落隱隱一聲雷不驚山入夏來差覺老花
從春去久無情長汀又涉來時路麥隴桑村小
問程

附徐致中詩

夏日懷美

流水階除靜孤眠得自由月生林欲曉雨過夜
如秋遠憶荷花浦誰憐杜若洲良宵恐無夢有

夢卽俱遊

夏夜同靈暉有作奉寄翁趙二友

齋居惟少睡露坐得論文涼夜如清水明河似
白雲宿禽翻樹覺幽磬度溪聞欲識他鄉思斯
時共憶君

初夏遊謝公巖

又取紗衣換天時起細風清陰花落後長日鳥
啼中水國乘舟樂巖扉有路通州民多到此猶
自憶髯公

夏日湖上訪隱士

煩暑何能避孤舟訪隱人水鄉菱藕熟晴野稻
苗新爲學師前輩談空悟宿身鏡湖三百頃不
似此湖濱

又寄

庭深自無暑苔徑復縈紆賓客不長到兒童自
可娛荷花晴帶粉蒲葉晚凝珠與我城闔隔茲
歡想不殊

山居

歷代詩選
柳竹藏花塲茅茨接草池開門驚燕子汲水得
魚兒地僻春猶靜人閒日自遲山禽啼忽在飛
走又相隨

登橫碧軒繼趙昌甫作

步陟高高寺徐行不用扶青天晴又雨山色有
還無句向閒中覓茶因醉後呼所懷論未足何
乃又征途

不食姑

惟誦天童呪飲泉能不飢只緣多自譽吝以致

人疑賦質全如鶴謀生却似龜綠華通籍後會
報女仙知

六月歸途

星明殘點數峰晴夜靜微聞水有聲六月行人
須早起一天涼露濕衣輕宦情每向途中薄詩
句多于馬上成故里諸公應念我稻花香裏計
歸程

附姜夔詩

范大叅入覲頗愛鄙作以詩謝之

問句石湖老如將日指標枯中說滋味高處戒
虛驕頗喜唐音近寧論漢道遙正聲今在耳萬
樂聽簫韶

小孫納婦

慶事集朋親孫枝喜氣新歌雲停碧落舞雪眩
青春暖日花君子清樽酒聖人一春行樂地不
負牡丹辰

呈方叔

聱牙落魄一閒官職事何嘗見一斑不是論松

須說劔若非尋壑即觀山閒看落葉隨風去冷
笑奔雲送雨還更有劉巖楊處士伴渠癡坐老
花間

夏日奉天台祿

青天揮箠卧藤牀翠袖携壺過酒漿蝸腹出波
烹芡實裹蹄和露擘蓮房相呼時入雞豚社獨
坐曾無雁鷺行便是赤城真隱吏不須劉阮更
相將

冬夜不寐

冬夜不寐

歷代詩選 卷九十五 七
宵柝迢迢警睡魔靜思甘分老林坡忍飢但有
嵇康嬾扣角曾無甯戚歌不起妄心思世事只
將閒意養天和時人休說長生術學着長生事
轉多
青天閒詠
虛糜廩祿飲醇醪不押文書不坐曹簡點園花
爲日課哀尋詩草計年勞仍將書冊供慵卧時
喚杯盤佐老饕感激大恩何以報惟祈聖壽與
天高

負暄

不是羲和德澤流寒鄉何處覓溫柔絕憐天上
黃綿襖大勝人間紫綺裘旋挾胡牀隨影轉更
携書卷與閒謀天和妙處誰能會欲獻君王却
自羞

和陸放翁見寄

遙知三逕長荒苔解組東歸亦快哉津岍紛紛
羣吏去船頭袞袞好山來平時佳客應相過勝
日清樽想屢開若許詩篇數還徃直須追挽古

風回

和陸放翁

午庭風雨撼高槐一洗城頭十丈埃老子坐間
尋句好故人門外寄詩來勁鋒久服穿楊妙鈍
思深慚擊鉢催清佩左符君未可要聽吟思發
春雷

寄汪尚書

五十年間歎濶疎相忘兩地復江湖書來筆底
驚強健詩去吟邊想步趨好對青山看歌舞莫

嫌紅粉笑髭鬚鳳毛已有哦松韻尚記金華舊
範模

送朝天集歸楊誠齋

翰墨場中老斲輪縱橫一筆掃千軍年年花月
無閒日處處江山怕見君箭在的中非爾及風
行水面偶成文先生只可三千首回施江東日
暮雲

石倉十二代詩選

宋詩卷之九十五

終

宋史列傳

劉宰字平國金壇人既冠入鄉校卓然不苟于去就取舍紹熙元年舉進士調江寧尉江寧巫風爲盛宰下令保互相糾察徃徃改業爲農歲旱帥守命賑荒邑境多所全活有持妖術號真武法穿雲子寶華王者皆禁絕之書其座右曰母輕出文引母輕事篝楚緣事出郊與吏卒同蔬食水飲去官惟篋藏與主簿趙師秀酬倡詩而已調真州司法詔仕者非僞學不讀周惇頤

等書方得考試宰喟然曰平生所學者何首可
斷此狀不可得卒弗與授泰興令有殺人獄具
謂禱于祠以殺一人亦忽三躍乃殺三人是神
教我也乃請之州毀其廟斬首以徇父喪免至
京韓侂胄方謀用兵宰啓鄧友龍薛叔似極言
輕挑兵端爲國深害迄如其言爲浙東倉司幹
官職事脩舉亟引去默觀時變頓不樂仕尋告
歸監南嶽廟江淮制置使黃度辟之入幕宰辭
曰君命召不往今矧可出耶嘉定四年堂審召

命且再下不至時相亦屢諷執政從官貽書挽
宰宰峻辭以絕俄題考功曆示決不復仕理宗
初卽位以爲籍田令屢辭改添差通判建康府
又辭乞致仕乃以直秘閣主管仙都觀拜改秩
予祠之命辭秘閣不允端平元年升直寶謨閣
祠如故且盡還磨勘歲月未幾遷太常寺丞郡
守以朝廷趣行不得已勉就道至吳門拜疏徑
歸一時譽望收召略盡所不能致者宰與崔與
之耳帝側席以問侍御史王遂且俾宣撫遷將

歷代詩選
作少監又以直敷文閣知寧國府皆不拜進直
顯謨閣主管玉局觀帝猶龔宰一來也召奏事
訖不爲起自號漫塘病叟年七十四卒鄉人罷
市走送袂相屬者五十里人人如哭其私親朝
廷嘉其節謚日文清有漫塘文集三十卷語錄
十卷行于世

漫塘集序

終

石倉十二代詩選

宋詩卷之九十六

漫塘集

宋金壇劉宰著

明後學曹學佺閱

東陽道旁涵碧亭

四山委蒼翠一沼湛清漣雲飛松竹礙石墮藤
蘿牽泉音亂絲竹鳥語賡笑言斯亭作者誰俛
仰四百年棟宇有興廢篇章足流傳官道紛往
來此地曠周旋乃知造物意以遺靜者便我來
早曠餘龜兆圻平田攀崖遡源委石竇鳴涓涓

摩娑兩石魚變化定何年

訪陳廷瑞有感

間維有常度曜靈無停輶翩翩葉辭柯過眼綠
已稠弱幹不盈尺忽已高岑樓念昔過庭日朋
來悉良儔我年未成章子少無與侔我質本駑
駘蹇步畏阻脩子如渥洼駒猛氣已食牛當時
二老人笑語歡且酬門戶各有託寧計才與不
登門如昨日星紀踰再周前賢安在哉體魄歸
山丘

漫塘觀雪分韻得遠字

入臘甫自茲得雪殊不晚凝寒祛厲氣積潤滋
麥本清興浩無極步履忘足蹇扣門呼石交勁
縮語猶寒挾携事登眺南去還北反所向遊目
礙儻若虎就圈歸來漫塘上四望與天遠簑重
漁舟歸煙橫樵舍飯稜層敞瑤池燦爛開瓊苑
玉龍擁寒城銀海迷疊巘頗喜漫翁貧覽富逾
北阮呼兒具杯酌探掇翻蔬畷不辭多酌我自
愧飲河颺少焉歛夕氛桂魄爭婉婉馘思造化

工舒卷意難付方其陰風壯一噫萬象偃聚將
藪澤平散欲天壤混端倪冰山固可但拳石很
及其遂離析去去不可挽日月麗太清草木被
餘暖區分鏡出匣渙散渠決堰向來天壤間了
不計增損呼吸一氣爾人當解茲惘恭惟聖明
君憂民中繾綣方冬祈瑞應此日慰勤懃貴瑞
不貴多真宰亦知樽公等調元手聖世須補袞
未應事閒曠巖壑慣棲遯我智拙于鳩一枝聊
自穩但喜占豐年努力務耕墾

崇禧夜坐

淮浙千萬山茲山鍾秀異山中四時好雪景更
佳耳危樓俯八荒豈無超詣士春遊眩紅紫秋
賞挹蒼翠衝寒繚冰崖問訊世能幾山神出奇
觀似慰遠來意漫空飛六花匝地掩蕪穢頗疑
羣玉府飄墮人間世又疑姑射僊與物洗疵癘
意行輒有得曠望了無際更欲呼雲車御風駕
六氣舉酒酌初平迢迢聊卒歲

送友人歸茅山

巖峩三茅峰秀出雲雨上疑有避世士卜築便
幽曠菊英當朝餐蘭佩拂千障我行未之見徘徊
幾惆悵子居山之西昔聞今見之厭和下里
曲浩歌商山芝山林久寂寥遲子相祭揮間關
整車軸萬里端自茲

夜夢續句

乙丑四月四夜夢中得句云昏旦視生
死又云不種桃與李覺坐而思豈吾壽
不延歟因就枕上足而成詩

大化賦羣有脩短亦天只彭殤誰得失鵬鷃均
適已我今識其然昏旦視生死青青竹籬下不
種桃與李老薺怙春柔叢蒿麗芳旨耘鋤藉人
力四時自終始屬饜幸朝夕過計胡爲爾勿笑
趙孟倫甚矣吾衰矣

送李秀巖歸蜀

平生秀巖翁嘉遯輕朝衣聖朝重特招趣駕不
容違我豈匏瓜哉先聖固所希長江一萬里舟
行疾如飛東南盛人物十九飫甘肥頗藉子公

歷代詩選 卷九十六
力寧知伯玉非翁豈好異同日余起布韋豈比
淮之水東下雜於淝論奏了不阿正直鬼神依
讒言嗟止棘日歸詠采薇歲晏江濤平雨雪從
霏微懸知到家日花竹遶山屏

吳門道歸書懷

投閒三十年日與木石俱暮景際休明搜羅逮
樵漁洪造賜甄收羣公交薦書殷勤奉明詔婉
戀辭田廬一寒不自揣五窮暗柳榆行行步京
畿迎勞多軒車眼青見故人皆歎此老臞形容

不自惜奈此氣昏愚席間迷舊識筆底誤新書
十目所共睹一語良非虛儻昧知止戒不反田
園居去去入脩門蹇步接天衢深虞眩聞見狂
易滋發舒籲天寫真情浩歌賦歸歎

贈九華程兄

君家九華山山翠常在目雞犬聲相聞山腰幾
隣曲本固枝葉蕃無若君之族當年柴橐翁一
念盡親睦俸餘不自有買田徧溪谷計口給之
食昏日常陸續吉凶更資助當使有餘蓄只今

屬代詩選 朱登五
大江南盛事君家獨君歸廣此意勝處新卜築
周遭植名花中間敵家塾少長驅之學母問親
疎屬庶幾子又孫更衍無窮福亦俾作法人百
世流清馥

松風軒晚望

遠山亞歸雲黯淡與天一近山過餘雨淨掃峰
已出式喜鳩喚婦寧憂月離畢擔簷彼誰子蹇
步泥沒膝舉頭望天永一笑失愁疾應知扶桑
東明朝浴晴日

喜客泉

物我未忘情無情惟止水底事山中泉客來如
有喜悠然鏡面平倏爾魚眼生依焉開笑面似
與客逢迎客喜泉豈知泉笑容何有邂逅深山
中聊結無情友

偶成二首

月下浮舟去雲邊曳杖行物華隨節換人意與
秋清小圃蔬逾潤荒叢菊向榮幽尋元自好底
用緝浮名

歷代詩選 卷九十六 七
地曠晚逾靜山空月倍明
銀河橫灝氣石澗伴吟聲
颯颯迎風葉飛飛濕露螢
歲華行晚矣爲爾一凝情

天台道中

花重朝霏散鳥啼春意深
風光自流轉行役負登臨
澗水流新綠山雲捲夕陰
病容兼白髮漂泊此時心

馮公嶺

地隘山逾峻人勤俗不奢
時培石上土更種竹

間茶接畛田成篆連筒
水濺花征塵如不到老我卽東家

長林場海邊道士

海霧晚逾合海風春更寒
衰顏欺薄酒老膽傲驚湍
叢竹人家近平沙客路寬
明朝應更好山翠撲征鞍

松江道中

久作松江夢重來泛短篷
淡雲飛雋雪枯葉戰西風
煙末三家市波心一釣翁
鴟夷身計耳吳

越等成空

偶成

木落山呈骨泉空水返源知時秋燕去負日午
蜂喧玉粒炊晨甑金英卧晚園歲華今已暮身
世兩忘言

送傅守伯成歸

煩暑歛清曉西風生遠林客懷感素秋歸夢越
千岑祖帳城南門藹藹萃華簪舉觴忽有贈去
矣無遐心

其二

堂堂司馬公獨樂五畝園歲月坐成晚花木亦
已繁世事尚可爲石交有遺言歸來默無語拊
石弄潺湲

卽事有懷

千山收宿靄一氣藹金行爽吹舒澄碧晴暉麗
太清徘徊望前嶺徙倚步南榮爲問蓴鱸客何
須身後名

儀真雍生見和因再用韻兼懷儀真

北觀憑欄望西橋信馬行朋從有名勝風物正
淒清亂定人煙改春回草木榮遙憐舊遊處壞
壁暗題名

和韻呈李果州

行樂非吾事朋從慰此生劇談忘夜永起立覺
晨清黃獨幽人供朱絃太古聲他年盛山集不
假退之評

丁亥冬感懷寄趙章泉

我屋方茅下君家閩楚交鹿門知得計燕幕未

安巢澗谷泉堪飲山田飯可抄應携靈壽杖雪
藥嗅梅梢

題茅山潑墨池慶雲庵

路轉幾山腰地尋雙海眼澗咽呂公泉橋橫蜀
道棧主人去不歸山空春事晚何時具蔬筍開
門延客飯

碧雲卽事

唧唧秋蛩鳴耿耿秋夜長簡編負初心枕簟怯
新涼朝曦入疎牖宿雲散前岡歸歟一葉舟浩

歌聽滄浪

送王穎叔分教山陽

向來肉食昧遠謀坐談欲復千古讎良平不逐
勝詭遊毛錐竟作書生羞楚山蒼蒼楚水流甲
光向日金鱗稠酒闌一笑看吳鉤將軍意氣傾
九州先生身短智則脩百鍊可使繞指柔安邊
端藉帷幄籌泮宮還獻馘與囚英聲南來動冕
旒貂蟬未必生兜鍪

寄和趙章泉

章泉先生虎豹章餘子駭逐狐兔藏少陵遊不
返衡湘孤吟風月老林塘駕鶩不送置我傍悵
望空勞水一方廣文別日天未霜殷勤寄音示
無忘新詩寫作鴻雁行憐我病骨猶未康續貂
聊復寄歸航宮牆百雉如金湯登門歲月知何
當江湖極目煙波蒼

題解生山水圖

長江之水西南來江北江南圖畫開君從何處
得此景錦帆似泛長江回槎牙老樹連荒島兩

歷代詩選 卷九十六
兩人家出林杪鷗飛欲下洲渚寬雲橫不斷關
山杏圖窮雙嶼金焦峙仙宮縹緲浮寒水拖樓
振轉吳波平閭闔中天日月明

石翁姥

采石江頭風晝息掀天雪浪平如席
泐崖小泊客心寬攀蘿曾看望夫石
天涯望斷人不歸露寒猶想淚沾衣
爭似石翁携石姥年年對峙夾岡道
人歸人去我何心雨沐風餐人自老
比翼鳥連理枝年多物化徒爾爲長
生殿裏知不知

過司徒墓

司徒墓荒塚纍纍不知數
草中翁仲無復存壟上牛羊自朝暮
想見當時百萬松佳城在處鬱葱葱
車馬時來卿相子鐘魚聲出梵王宮
年深事遠無留蹟只與耕夫資墾闢
萬古同成一斛塵官爵高卑誰汝識

北固山望揚州懷古

北固城高萬象秋煙竿一縷認揚州
試乘綠漲三篙水要見朱簾十里樓
淚濕宮衣朝霧重愁

歷代詩選 卷九十六
薰寒草夕陽浮隋堤舊事無人問兩兩垂楊繫
客舟

過蘭亭

茂林脩竹翠參天一水西來尚折旋欲泛羽觴
追往事帳無嘉客繼前賢短章回寄二三友勝
踐堪尋八百年笑拂蒼崖題姓字爲言曾此掬
流泉

喜王節夫過訪

我方巾角子勝冠我老君猶髮未斑可但孤生

多疾疾也輪華館富清閒交情敢忘鶯求友野
性終便鹿在山何日歸歟同里社杖藜來往翠
微間

賀陳子揚致仕追贈父母

一笑相逢意自親別來庭樹幾枯榮流傳郢客
陽春句想見鷗夷萬里情賈傅才能通國體柳
州文字占時名何如一棹洮湖去獨泛滄波弄
月明

代李居士謁王去非制幹

僑居無地寄生涯布襪青鞋着處家太乙虛舟
想蓮葉玄都活計問桃花不堪衆口貧爲累坐
使孤生髮半華儻詐侏儒均賦粟不妨老子自
餐霞

送邵監酒兼柬儀真趙法曹呈潘使君

儀真來往幾經秋風物淮南第一州山勢北來
開壯觀大江東下峙危樓沙頭縹緲千家市鱸
尾連翩萬斛舟去去煩君問耆老幾人還得守
林丘

懷徐表兄

一笑相逢句曲天別來十五換流年忍思清渭
瓊瑰詠無復通泉寶劍篇北渚春回芳樹合西
山日暮碧雲連雁來數寄平安信無限相思若
箇邊

毗陵邂逅京口同舍湯叔厚

雞犬相聞里社同琴書曾共客儒宮南樓夜醉
三更月北固秋吟萬里風去曾羨君勤採藻遊
吳愧我尚飄蓬相逢便與論心曲莫笑依然舊

歷代詩選

卷九十六

三

阿蒙

和張寺丞謝惠河鮑韻

鼎來佳句仰謙亨春入池塘草正生清夜擬陪
簷雨酌暮天應對碧雲橫迢迢莊叟一枝隱富
貴齊人五鼎烹戟衛肅迎揮手去蘇州應愧此
時情

和湯叔永

底須彈鋏歎無家自有詩人賦子嗟平世豈應
遺燭武暮年安可傅長沙爲隣幸賜千金諾進
德相期一簣加欲泛五湖觀浩渺興來還可共
浮槎

送姜君王赴省

樽酒論文弱冠前交情老去只依然久荒三徑
無來客細撥清燈話昔年少日功名誰汗簡舊
遊江海半華顛君行試問都門柳幾送銀袍上
九天

和題尊經閣元日觀雪

億萬飢民久籲天天開上瑞豈徒然深潭龜圻

歷代詩選

卷九十六

七

周

寒莎底淺土蝗遺宿麥邊厲氣已消除日後祥
雲飛墮曉風前醉吟樓上瀛洲客爲記三登第
一年

送杜尉範秩滿還天台

眼看時事廢因循官路三年子獨勤袖有新詩
頻教我邑無長策可留君向來過計憂周隕此
去何時靜楚氛未必讀書盡虛語勉哉行矣張
吾軍

謝湯生惠酒和來韻

聞道吾猶及老成高秋離索不勝情朋緘已喜
賢從事二缶那堪對麴生多病吾今同退鷁壯
懷君可掣長鯨能來共醉西風否木落千山夕
照明

奉酬友人登多景樓見懷

雲橫不斷古神州縹緲河山總戎樓此地幾經
人北顧長江不在水東流犬羊萬里知離穴稻
蟹三吳正得秋人事天時多錯忤一杯聊復潤
吟喉

漫塘晚望

霽色催雲作晚霞小橋却立听烏紗
雨餘菱芡新抽葉秋早菰蒲未着花
燈影微茫行客艇鐘聲縹緲梵王家
沈吟索句輸公等我欲臨流理釣槎

寄題戴氏別墅

聞君築室水雲鄉一榻條然獨老龐
近挹荷香供几案遠邀山翠入軒窗
自歌自笑遊魚樂時去時來白鳥雙
何日過門成夜泊一樽相與對

銀缸

謝章泉再以前韻見寄

解印歸來白社劉風標靖節許同流
詩來幾說鶯求友老去自慙狐首丘
會合由來天幸耳殷勤還識我心不
春回是處堪行樂能復携錢掛

杖頭

送張端衝尉句容二首

梅僊西上古僊鄉梅蘂先春特地香
自是邾人聞魯柝懸知晉盜避秦疆
名山久合清蕪穢窮

歷代詩選
卷九十六
其
巷猶聞缺蓋藏
惠政由來要全美
須君努力佐
琴堂

其二

離鄉喜見似鄉人
君去家山祇北隣
令長垂髮
同里社交承握手
記城闈
絃歌堂上
寧忘舊樽
俎筵中必告新
若也從容問無恙
爲言魚鳥已
情親

送王去非服除造朝

疾風吹雨洗塵寰
北渚津頭水沒灘
千里送君

黃鵠舉半生歸我白鷗閒
清名已至雲霄上
逸氣還充宇宙間
此去西湖重回首
淡煙疎柳認孤山

代柬寄張端衡

句曲山頭白鶴飛
遙憐綵棒正宣威
仙家有喜迎仙吏
客路無塵點客衣
月澹郊原從犬卧
秋高籬落任雞肥
子真東野齊名在
莫向西風苦

念歸

賀趙居父登第

詞場聞奪錦標歸好是斑衣映綠衣永日湖山
供賞詠好風宮殿正清微堂新六桂光宸翰庭
秀雙芝煥彩闈肯向長安誇得意年來伯玉已
知非

送友人入京

郭內無田負郭若杯中得趣世情疎波間屢聽
濯纓曲架上時繙種樹書萬里長風摧斫柳一
天清露屬園蔬故人欲問平安信爲說年來頗
晏如

送李季允侍郎歸蜀二首

淮海身如繫岷峨路去賒相思水雪裏却立嗅
梅花

交情契金蘭燕樂非絲竹我歌古別離語盡若
當續

題儀真常平倉壁

苦被微官縛此身汗衣亭午亞紅塵維舟醉卧
番楊下輪與江湖自在人

過尤溪

歷代詩選 宋 蘇軾 尤溪塘上征人路記得停驂一解顏十載重來
兒女換似曾相識有青山

題馮公嶺旅邸

層樓傑閣聳朱欄樓下行人自往還但見綵雲
橫木末不知身在翠微間

題永嘉寺壁

石泉飛下寶蓮宮似聽鈞天奏未終千古風流
謝康樂將無屐齒此山中

舟過惠山

小立船頭看惠山山尖半在無間蠶眠未老
秧方綠且放煙雲自往還

感春

隔溪啼鳥弄新音繞听蒲芽迸綠簪花事只今
強半在不妨風雨攪春陰

七夕

天孫今夕渡銀潢女伴紛紛乞巧忙乞得巧多
成底事祇堪裝點嫁衣裳

天台道中用陳氏園亭韻

屏什言選
朱登文清
九
筓輿穿過萬重山
邂逅登亭一解顏
剩得題詩
徧蒼石
舉頭羞見嶺雲閒

秋懷

一抹紅綃日脚霞
千林暮靄納歸鴉
西風捲盡
梧桐葉
乞與中庭散月華

雲邊阻雨

輾轉無眠到夜闌
聲聲烏鵲近簷間
好風吹斷
夜來雨
晴日放開雲外山

又用前韻

薔薇籬落送春闌
筓甚園林早夏間
牛背牧兒
酣午夢
不知風雨過前山

黃梅

林梢脆寔薦辛酸
尚記兒時刮目看
老去齒牙
無復昔
曉枝猶喜墮金丸

題張瑞衡竹木石畫

槎牙高樹蕭稍竹
絕島風煙開短軸
更煩點筆
作衰翁
嘯月吟風飲山淥

送劉簿秩滿東歸

歷代詩選
宋登文清
一官簿領十年間此去青雲手可攀勝日西湖
浮畫舫頻將卮酒酌孤山

乙酉夏述懷

水邊舟子競招招陌上車塵晚更囂祇是幽人
無事絆藕花深處弄輕橈

得軒卽事

上印還家不計年水光瀾望木參天綠雲洞裏
開書幌紅錦波心漾酒船

題瀑布畫

洩雲瀆洞遮山腹古木槎牙繞山足舉頭百丈
瀉寒泉知有高峰插天綠

回陳兄惠瓜

碧圓流液舌生津三載深慙拜賜頻莫怪尊前
最知味東陵自是種瓜人

九日送酒黃竹礪

老瓦盆中淥酒香田家風物近重陽不知竹礪
盤桓處今賦黃花第幾章

蘇次李秀巖鶴溪草益盤不養竹礪外書來

稻梁初熟社醅香
草草盃盤不着行
別後書來煩記取
綠楊堤畔水盈塘



